



客家語現代詩 教師組第三名

蒲公英（四縣腔）

星夜

靜 對月中行出

麼人

在草墩同野花之間

沉沉睡忒

就像流浪過幾萬里

流浪過幾千個世紀

歷經風霜个旅人

僱猜想

你對蒼海來

行過海脣

行過水田

僱又想

你對山林來

行過青山

行過平洋

因為

你係一位漂泊个畫家

你用一生來拜望靚靚个臺灣

同一蕊一蕊春天个祝福

變作一幅一幅完美个圖畫
送分自家
也送進逐儕个心肝

風吹動
你慢慢涉過清淺个天河
下一段旅程正愛開始
你含笑
佢擺手
你對遙遠來
要行轉遙遠去
佢想登高望你
單淨看著滿天飄飛个雲絮
同一地落花

作者感言



張欣穎 苗栗國中專任教師

首先愛感謝評審委員對佢个肯定，也感謝閩客語文學獎分佢个創作有展現个舞臺，佢對閩客語文學獎並無生份，在 97 年曾經用學老話投稿新詩，無定有人會問，為何會投學老新詩又投客語新詩呢？可能因為若爸係客家人，阿姆係學老人，分佢有這個榮幸摺機會同時學會學老話摺客家話，無論學老話或係客家話，對佢來說都有共樣个情感，毋係因為佢係毋係面臨絕種，單淨因為佢係佢个母語，阿公婆傳承下來个東西，就應該分佢延續落去。這擺得獎佢心肝肚當感激，並期望日後自家能有更加多个靈感、更加多个時間，創作更加多个母語文學。